

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. I. Præsupposita.

[urn:nbn:de:hbz:466:1-73455](#)

Sed inquis. Visio secundum substantiam actus differt ab omni alio actu, sed hanc differentiam habet sola potentia intellectiva: ergo hæc sola immediatè influit in substantiam visionis.

Resp. negando minorem: est enim actus visio-
nis substantialiter supernaturalis, unde quod ab
omni alio differat, non accipit à sola potentia intel-
lectiva, sed ab ipsa ut elevata per lumen gloriae.

DISPUTATIO IX.

DE

Ipsò actu visionis.

A Principiis tam ex parte potentie, quam ex parte obiecti modò consideratis,
A progedimur ad ipsum actum visionis, cuius proprietates & accidentia, nempe
perfectionem & intentionem, menutam, ac durationem in præsenti disquirimus.

ARTICULUS I.

Vnde proveniat inæqualitas visionis?

SUMMARIUM.

1. Datur inæqualitas visionis.
2. Quæ non è essentialis, sed accidentalis.
3. Intellectus Angelicus & humanus in ordine ad visionem non sunt principia specie distincta.
4. Duplex sententia, Scotti, & D. Thoma.
5. Difenditur, inæqualitatem visionis adquater refundit in inæqualitate em lumenis.
6. Absurda apposite sententie.
7. Expositio anchor. S. Doctoris.
8. Causa tantum materialiter nobilior non producit nobiliorum effectum.
9. Si due cause, aquæ proxime concurrent, tunc alterius excessus parit excessum in effectu.
10. Intellectus major perfectio naturalis non gignit perfectiorem assensum fidei.

§. I.

Præsupposita.

i. Suppono primò tanquam de fide certum, quod visio beatifica non sit æqualis in omnibus Beatis, prout definitum est à Conc. Florent. in Decreto unionis dicente: *juxtra meritorum diversitatem unius alio perfectius videt diversam essentiam.*

Deducitur ex illo 1. Cor. 15. *Stella differt à stella in claritate. & Jo. 14. in domo Patris mei mansiones multe sunt, ut numerum, velut exponit D. Aug. tr. 67. in Jo. mansione pro suo quisque merito acipiat.* Sicut ergo diversa sunt Beatorum merita, ita & gloria, seu visio beatifica.

ii. Suppono secundò. Hanc inæqualitatem non esse specificam & essentialiem, sed accidentalē juxta maiorem intentionem & extensionem. Nam idem formaliter principium & objectum reputatur, in cuiuslibet Beati visione: principium quippe partim dispositivum, partim effectivum ex parte subjecti est lumen glorie, quod est ejusdem rationis in omnibus Beatis; principium ex parte objecti, ipsumque objectum formale specificum est essentia divina quæ talis.

R. P. Mezg, Theol. Schol. Tom. I.

Dices: Actus, qui procedunt à principiis species distinctis, sunt species distincti, sed visio Angeli procedit ab alio specie principio, quam visio animæ beatae: siquidem intellectus Angelicus & humanus species distinguuntur ergo visio Angelicæ species distinguitur à visione animæ vel hominis.

Repl. primo. Actus qui procedunt à principiis proximis species distinctis sunt species distincti, conc. à remotis, nego, sed visio Angelicæ procedit ab alio specie principio remoto, quâna visio animæ beatae: conc. proximō, nego minorem & conseq.

Repl. secundò. negando minorem, & probatiolem distinguo: intellectus Angelicus secundum potentiam naturalem species distinguitur ab intellectu huo anno, conc. secundum potentiam obedientialem, nego, nam in ratione virtutis remota & elevabilis ambo intellectus omnino conveniunt.

Addic quod intellectus humanus non elevetur ad videndum DEUM secundum gradum suum specificum, sed genericum intellectus ut sic, secundum quem non differt, sed convenit cum Angelo.

Restat igitur ut accidentaliter distinguantur, in quantum nempe una visio vel intensive propter maiorem claritatem, vel extensivè propter plurimum objectorum in divina essentia perceptio- nem est perfectior altera.

Controversia tamen est, an ista inæqualitas visionis solùm oriatur ex diversitate lumenis gloriae, ita ut quod istud est perfectius, tanto perfectior sit visio; vel an etiam oriatur ex majori perfectione intellectus, ita ut perspicacius acumen ingenii, majorque subtilitas intellectus conducat ad perfectionem visionem? Hanc posteriorem opinionem Scotus; illam priorem cum sua Schola amplectitur D. Thomas hic a. 6. ad 3. dicens. *Diversitas videndi DEUM erit per di-*

M

ver.

versam facultatem intellectus, non quidem naturalem, sed gloriosam, vel etiam quatenus lumine gloriae instructam.

§. II.

Propugnatur sententia D. Thome.

5. **CONCLUSIO.** Adequa ratio perfectioris visionis est sola major perfectio luminis gloriae. Ita Schola Thomistica.

Probatur primo. Ex illo principio habet intellectus, ut possit producere perfectiorem visionem, ex quo habet majorum proportionem, & virtutem producendi, sed hanc habet ex solo lumine gloriae, non autem ex intellectus naturali perspicacia: ergo ex solo lumine gloriae provenit perfectior visus, adeoque & in qualitas visionis. Minor probatur, quod ex se nullam habet proportionem ad simpliciter producendum effectum, non potest dare maiorem proportionem ad producendum perfectiorem effectum: sed virtus naturalis intellectus ex se nullam habet proportionem ad producendum visionem simpliciter: ergo intellectus ex sua virtute & perspicacia naturali non potest accipere maiorem proportionem ad producendum perfectiorem visionem.

Confirmatur. Perfectior visus sequitur ad perfectiorem unionem divinae essentiae cum intellectu Beati: sed perfectior unio fit ob perfectiorem dispositionem luminis gloriae, non ob perfectionem maiorem luminis naturalis. ergo perfectior visus refundi debet in perfectius lumen gloriae.

6. Probat secundum ab absurdis. Nam sequetur primo, minimum Angelum in gloria superare Beatissimum Virginem, ex quod intellectus Angelici perspicacia longe superet omne acumen humani intellectus. Secundo, quod DEUS non distriberet premium vita eterna juxta proportionem meritorum, siquidem ex duobus Beatis habitibus aequalia merita, ille qui haberet perfectiorem intellectum clarius videret DEUM. At sequela repugnat communi doctrina Ecclesie & SS. PP. Tertio, quod Beatus ab invicem in sua beatitudine discernerent falso partialiter per sua naturalia. Quartio, quod supernaturalis beatitudo non rotuliter pertineret ad ordinem gratiae: siquidem ex parte procederet ex lumine naturali, & DEO ut Autore natura, &c.

§. III.

Solvuntur objectiones.

7. Objecies primò authoritatem Doct. Angelici in 3. part. q. 10. a. 4. ad 2. dicentes: Gra-

dus visionis divina magis attendi secundum ordinem gratiae, quam secundum ordinem naturae. Sentit igitur visionis divinae perfectionem etiam attendi secundum ordinem naturae: vocula quippe magis est comparativa, qua supponit positivum.

Repl. ly magis in illo loco non accipi comparative; sed adversative cum exclusione oppositi, veluti cum D. Paulus de Moyse dixit: magis eligens affigic cum populo DEI, quam temporalis peccati habere iucunditatem. Hebr. 11.

Objecies secundo. Causa nobilior nobiliorem producere effectum: sed intellectus nobilior instructus lumine gloriae est causa nobilior visionis, quam alius intellectus ignorabilior instructus aequali lumine: ergo producit nobiliorum effectum.

Repl. quod causa formaliter & secundum proximam rationem causandi nobilior, producat nobiliorum effectum, non quod tantum materialiter est nobilior, & secundum remotam rationem causandi. Intellectus vero nobilior cum aequali lumine non nisi materialiter & secundum remotam rationem causandi est nobilior.

Objecies tertio. Ubi duas causas concurrent, ad eundem effectum, modò alteruta in causando sit nobilior, sequitur nobilior effectus: sed praeterea lumen gloriae ad visionem etiam concurreat virtus naturalis: ergo si modò illa sit nobilior, sequitur nobilior visus.

Major ab experientia ostenditur: nam quia ad visionem corpoream non tantum species, sed etiam lumen concurreat, sive ex parte speciei, sive ex parte luminis fiat intensio, tempore sequitur perfectior visus.

Repl. maiorem tunc solum habere locum, quando duas causas aequaliter proxime & in eodem ordine concurrent ad aliqua effectum, prout contingit in adducto exemplo corporearum visionis: non item cum una virtus concurrat proxime; altera remota, ut contingit in visione DEI.

Objecies quartio. Intellectus perfectior cum aequali habitu fidei, perfectius penetrat fidei mysteria; ergo etiam intellectus perfectior cum aequali lumine gloriae perfectius DEUM videt.

Repl. Perspicacior intellectus perfectius penetrat fidei mysteria, quantum ad apprehensionem terminorum, & propositionem objectorum credibilium, conc. quantum ad ipsum fidem assensum, nego, hujus enim major perfectio ex perfectiori lumine & habitu fidei descendit.

ARTICULUS II.

Qualis sit actus visionis beatifica?

SUMMARIUM.

1. *Variae acceptiones comprehensionis.*
2. *Veritas Catholica negat comprehensibilitatem DEI.*
3. *Ratio implicantia ex natura comprehensionis.*
4. *Instans de visibilitate DEI.*

Poteß